

傷寒懸解

黃氏醫書八種

傷寒懸解卷四

昌邑黃元御坤載著

太陽經中篇 五十六章

太陽壞病

太陽風寒有正治之法。桂枝麻黃是也。陽偏盛者，恐異日之入陽明，則有大青龍白虎湯，早清其燥熱。陰偏勝者，恐異日之入三陰，則有小青龍五苓散，預去其濕寒。處治不差，病在太陽一經，自當應藥而解。不成壞病，醫不知此實其實而虛其虛，若汗若吐若下若溫鍼，補瀉異施，遂成壞病，非復太陽本色矣。壞病者，卽後日之陽明與三陰也。陽盛而泄其陰，則入陽明；陰盛而亡其陽，則入三陰。桂枝麻黃之證，變爲元陽孤陰，是以曰壞。至於陽明，俟其府熱內實一下而愈，猶爲逆中之順，然而府邪傷陰，失於急下，亦伏死機。則順中之逆，正自不少。若夫三陰陰盛，陽負動，罹危亡，則逆居強半，而順不十三。仲景於是有救逆之法，隨證處治，轉逆爲從，元通微妙，良工苦心矣。

太陽壞病提綱一 太陽五十四

桂枝麻黃太陽風寒主方也。若至三日之久，正將入陽明太陰之期，業經汗下溫鍼，而病仍不解，則事當大壞，未必猶在太陽。卽太陽未罷，而亦未必尙屬太陽。桂麻之證，是宜審觀脈證，另立新法，故總立壞病之綱，詳開救逆之門也。

太陽病三日，已發汗若吐若下若溫鍼，仍不解者，此爲壞病。桂枝不中與也。觀其脈證，知犯何逆，隨證治之。太陽病治之得法，當解於本經，不至入府傳藏而成壞病。若至三日之久，已經發汗吐下溫鍼，諸治而病不解，則不在太陽。定緣誤治入別經而成壞病。當觀其脈證，知其所犯何逆，隨證治之。曰壞病者，非太陽

之本病故也

壞病提綱二 太陽五十五

本發汗而復下之此爲逆也若先發汗治不爲逆先本下之而復汗之爲逆若先下之治不爲逆

申明上章逆字之義風寒外閉宜辛溫發散而不宜下燥熱內結宜苦寒攻下而不宜汗若表邪未解裏邪復盛則宜先汗而後下若裏邪急迫表邪輕微則宜先下而後汗錯則成逆矣若治法得宜先後不失不爲逆也

太陽壞病入陽明去路 十五章

陽明從燥金化氣陽旺之人表鬱則燥動然不經誤治津液未耗燥氣之作何至遽盛及其汗下溫鍼傷津亡液燥氣大發經府合邪乃成下證雖不如三陰之險然陰虧陽亢亦伏危機未可率然也

太陽壞病入陽明桂枝證一 太陽五十六

太陽病先發汗不解而復下之脈浮者不愈浮爲在外而反下之故令不愈今脈浮故知在外當須解外則

愈桂枝湯主之 方在太陽五

太陽病先發汗不解而復下之設內有府熱則下之當愈若使脈浮則表邪未解必不能愈以浮爲邪在表遺其外邪而反下之故令不愈當須解外則愈宜主桂枝也此太陽表證未罷而內有府熱固當下也然必外解而後可下若發汗未解而反下之設脈猶見浮則外必不愈故仍以桂枝解外

發汗亡津證二 太陽五十七

大下之後復遽汗小便不利者亡津液故也勿治之得小便利必自愈

膀胱者州都之官津液藏焉氣化則能出矣土濕金鬱氣不化水土濕木鬱不能行水皆令小便不利小

青龍五苓散證之小便不利悉緣土濕而水停則小便之不利必因濕旺若汗下之後而見小便之不利是津液亡泄燥而非濕也然別無熱渴之證則其燥未甚勿用治之俟其津液續復得小便一利必自愈也汗下之後小便不利陽虛之人則陽亡而病濕陰虛之人則陰亡而傷燥此不見陽亡濕動之證故知是亡津傷燥也此亦人參白虎證而燥熱未作則病勢最輕故不須治之

麻杏甘石證三 太陽五十六

發汗後不可更行桂枝湯若汗出而喘無大熱者可與麻黃杏仁甘草石膏湯主之

汗後表寒未解鬱其肺氣熱蒸皮毛竅開而不能透泄故汗出而喘表得汗泄故外無大熱麻黃發表杏仁降逆石膏清金甘草培土則表裏俱解矣此亦大青龍證之輕者在汗後故不用青龍汗後不可行桂枝亦大概言之他如發汗已解半日許復煩可更發汗宜桂枝湯未嘗必禁桂枝也

麻黃杏仁甘草石膏湯 十七

麻黃 四兩 杏仁 五十枚 甘草 二兩 石膏 半斤 碎綿裹

右四味以水七升先煮麻黃減二升去上沫內諸藥煮取二升去滓溫服一升

汗後作喘證四 太陽五十九

發汗後飲水多者必喘以水灌之亦喘

推原上章喘字之義汗出亡津液燥渴飲水飲水太多而汗後陽虛不能消散水停則肺氣壅遏故必喘以水灌之皮毛外閉肺氣鬱阻故亦喘也

麻杏甘石證五 太陽六十

下後不可更行桂枝湯若汗出而喘無大熱者可與麻黃杏仁甘草石膏主之

下後表寒未解鬱其肺氣肺鬱生熱蒸發皮毛而不能透泄故汗出而喘表寒裏熱宜麻杏甘石雙解之可也

下後不可行桂枝亦大概言之他如傷寒醫下之續得下利清穀章救表宜桂枝湯文傷寒大下後復汗心下痞章解表宜桂枝湯太陽病先發汗不解而復下之脈浮者不愈章當須解外則愈桂枝湯主之未嘗必禁桂枝也

人參白虎證六

太陽六十一

服桂枝湯大汗出後大煩渴不解脈洪大者白虎加人參湯主之

方在太陽三十九

服桂枝湯後汗出表解而津液亡泄裏熱則增是宜白虎清裏而大汗之後大作煩渴而脈又洪大是亡津而氣亦泄也津由氣化靈樞決氣上焦開發宜五穀味薰膚充身澤毛若霧露之漑是爲氣此當益氣以生津故加人參素問評熱論脈燥疾不爲汗衰者死以精氣消亡無以溼灌其枯燥也白虎而加人參使清氣降灑化而爲露滋潤枯涸滌洗煩燥莫善於此矣

人參白虎證七

太陽六十二

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加

人參湯主之

方在太陽三十九

吐下之後氣奪津傷七八日不解燥熱內盛而自裏達表表裏俱熱熱蒸竅泄時時惡風舌上乾燥而心內焦煩欲飲水數升之多主以人參白虎清金而泄熱化氣而生津也

表裏俱虛證八

太陽六十三

太陽病先下之而不愈因復發汗以此表裏俱虛其人因致冒冒家汗出則自愈所以然者汗出表和故也

得裏未和然後下之

太陽病先下之而不愈傷其陰液因復發汗傷其陽津表陽裏陰以此俱虛表陽虛則陰氣外束裏陰虛則陽氣內鬱陽氣內鬱而不外達其人因致昏冒冒家汗出則自愈所以然者汗出則衛氣外達經脈和暢陰退而陽宣也表和之後得裏未和然後下之

調胃承氣證九 太陽六十四

發汗後惡寒者虛故也不惡寒反惡熱者實也當和胃氣與調胃承氣湯 方在陽明二十

陽虛之人汗則亡陽陰虛之人汗則亡陰汗後惡寒者氣泄而陽虛故也故防入少陰不惡寒反惡熱者津傷而陽實故也是已入陽明將成大承氣證宜早以調胃承氣和其胃氣預奪其實也

陰陽俱虛證十 太陽六十五

太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰虛則小便難陰陽俱虛竭身熱則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸床小便利者其人可治

太陽中風以火劫發汗邪風一被火熱血氣流溢而失其常度外劫之火與內鬱之陽兩相熏灼其身發黃上之陽盛則欲衄下之陰虛則小便難陰液陽津俱至虛竭身體則枯燥不潤陽氣上燔但頭汗出劑頸而還裏氣贖鬱而為脹滿肺氣壅阻而為微喘火炎於上口乾而咽爛其時或不大便久則衛鬱莫泄濁氣薰心而為譫語甚者胃氣衝逆而為嘔噦或手足躁擾捻衣摸床凡此諸證總以表裏壅遏熱無泄路故鬱悶懊憹煩亂如是宜以辛涼之藥雙泄表裏若小便利者是陰氣未絕其人可治也 此證濕熱鬱蒸宜以麻黃石膏泄其表熱大黃芒硝泄其裏熱半夏生薑降其逆猪苓滑石瀝其濕表裏雙清則神

氣慧爽矣

火熱入胃證十一 太陽六十六

太陽病二日反躁反熨其背而大汗出火熱入胃胃中水竭躁煩必發譫語十餘日振慄自下利者此爲欲解也故其汗從腰以下不得汗欲小便不得反嘔欲失溲足下惡風大便鞭小便當數而反不數及大便已頭卓然而痛其人足心必熱穀氣下流故也

太陽病皮毛被感表鬱爲熱內尙無熱俟其表熱傳胃日久失清乃見煩躁今二日之內方入陽明不應躁而反躁其胃陽素盛可知乃不用清涼反熨其背而大汗出火炎就燥邪熱入胃胃中水竭乃生煩躁燥熱薰心必發譫語若十餘日後微陰內復忽振慄而自下利則胃熱下泄此爲欲解也方其熨背取汗火熱蒸騰上雖熱而下則寒故從腰以下絕無汗意外寒鬱其內熱故膀胱閉澀欲小便而不得陽氣升泄不根於水膀胱無約時欲失溲如此則小便當數而反不數者津液枯也水枯則大便乾鞭便乾腸結胃熱不得下達故氣逆作嘔火熱上逆故足下逆冷而惡風寒及振慄下利大便已行則穀氣宣暢四達頭痛而火從上散足熱而陽從下達胃中燥熱解散無餘緣穀氣以便通自下流故也便通而頭痛者如爐底壅塞火焰不升一通則火卽上炎也

火邪圍血證十二 太陽六十七

太陽病以火熏之不得汗其人必躁到經不解必清血名爲火邪

清與圍同

太陽病當以汗解乃以火熏之又不得汗內熱愈增其人必躁到經盡之期當解而不解熱傷血分必當圍血此名火邪也

火逆助邪證十三 太陽六十八

脈浮宜以汗解用火灸之邪無從出因火而盛病從腰以下必重而癩名火逆也

脈浮宜以汗解乃以火灸之邪無從出因外火而更盛病從腰以下必重濁而癩塞此名火逆

火逆吐血證十四 太陽六十九

脈浮熱甚反灸之此為實實以虛治因火而動故咽燥吐血

脈浮熱甚當汗之以泄其熱反灸之此為實症實症而用灸是實以虛治也內之實熱因外火而大動必傷陰氣故咽燥而吐血

火邪內攻證十五 太陽七十

微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

微數之脈榮血虛虧慎不可灸誤灸而因火為邪則為煩躁而氣逆追陰氣之已虛逐陽火之原實因令血散脈中耗亡失守一灸之火雖微而其煎熬內攻則甚有力焦骨傷筋日就枯槁榮血消鑠終難復舊也

太陽壞病入太陰去路 二十一章

太陰以濕土主令陰盛之人病在太陽表鬱則濕動然不經誤治則胃陽未虧濕氣之作猶俟漸成及夫汗下濕鍼陽亡陰旺濕邪勃興土敗水侮危證疊出防微杜漸之法不可不亟講也

太陽壞病入太陰五苓散證一 太陽七十一

太陽病發汗後大汗出胃中乾燥煩不得眠欲得飲水者少少與之令胃氣和則愈 此太陽入陽明去路將成白虎證者若脈

浮小便不利熱微消渴者五苓散主之 方在太陽四十一

發汗後陽盛之入陰亡土燥則入陽明而成白虎證陰盛之入陽亡土濕則入太陰而成五苓證如汗後

胃中乾燥煩不得眠欲得飲水此將來之人參白虎證也宜少少與飲以在大汗之後陽氣新虛也設燥熱已甚少水不救盛火則用白虎若燥熱未甚得少水和胃則煩渴自愈無事白虎也若汗後脈浮小便不利熱微消渴則太陰之象已見端倪宜以五苓燥土而行水蓋陽格於外表證未解是以脈浮濕動於內木氣不達是以小便不利木鬱風動耗傷肺津是以消渴消少水而頻飲不能大消以其濕盛而熱微也

五苓散證二太陽七十一

發汗已脈浮數煩渴者五苓散主之方在太陽四十一

發汗已熱隨汗散乃脈見浮數而證見煩渴是汗出陽虛土濕而火升也蓋火祕陽蟄全恃乎土陽亡濕動肺胃不降君火升炎故脈證如此宜以五苓燥土泄濕若未汗而見浮數煩渴之脈證則宜大青龍而不可宜五苓矣

甘草乾薑證三太陽七十三

傷寒脈浮自汗出小便數心煩微惡寒腳攣急反與桂枝湯欲攻其表此誤也得之便厥咽中乾躁煩吐逆者作甘草乾薑湯與之以復其陽若厥愈足溫者更作芍藥甘草湯與之其脚即伸若胃氣不和讖語者少與調胃承氣湯若重發汗復加燒鍼者四逆湯主之方在太陰三

脈浮自汗裏熱外泄也小便數則大便必鞭心煩者胃熱之薰衝也陽明病雖得之一日惡寒將自罷即

自汗出而惡熱微惡寒者表未全解自汗雖出而未能遽發也亦是調胃承氣證陽明篇上太陽病若吐

數大便因硬與小承氣湯和之愈陽明病不吐不下心煩者可與調胃承氣湯即此症醫以脈浮自汗病在太陽中風證反與桂枝湯加附子而增

桂枝以攻其表此大誤也得之汗多陽亡使手足厥冷咽喉乾燥陽氣離根而生煩躁胃氣上逆而作吐

嘔作甘草乾薑湯與之甘草培土而補中乾薑溫胃而降逆陽回肢煖是以厥愈足溫其脚之變急緣其木燥而筋縮也更作芍藥甘草湯與之甘草舒筋而緩急芍藥清風而潤燥其脚自伸若胃氣不和土燥譏語少與調胃承氣則胃氣調和矣桂枝發汗是爲一逆若不以薑甘回陽而重發其汗或復加燒鍼以大亡其陽是爲再逆當速用四逆以回陽薑甘加附子水土雙溫也

甘草乾薑湯 十八

甘草 四兩 乾薑 二兩 炮

右咬咀以水三升煮取一升五合去滓分溫再服

芍藥甘草湯 十九

芍藥 四兩 甘草 四兩 炙

右咬咀以水三升煮取升半去滓分溫再服

甘草乾薑湯證 四 太陽七十四

問曰證象陽旦按法治之而增劇厥逆咽中乾兩脛拘急而譏語師言夜半手足當溫兩足當伸後如師言何以知此答曰寸口脉浮而大浮則爲風大則爲虛風則生微熱虛則兩脛攣病證象桂枝因加附子參其間增桂令汗出附子溫經亡陽故也厥逆咽中乾煩躁陽明內結譏語煩亂更飲甘草乾薑湯夜半陽氣還兩足當溫脛尙微拘急重與甘草芍藥湯兩脛乃伸以承氣湯微瀉則止其譏語故知病可愈

此復述上章設爲問答證象陽旦卽證象桂枝之互文

金氏產後中風數十日不解頭痛惡寒時時有熱乾嘔汗出雖久陽且證續在耳可與陽且湯林億

以爲卽桂枝湯按證是桂枝湯無疑

以法治之卽上章以桂枝攻其表及此章因加附子增桂令汗出也寸口脉浮而大浮

則爲風大則爲虛載在脉法脉法寸口脉浮而緊浮則爲風緊則爲寒脉弦而大大則爲芤芤則爲虛也

所爲風則浮虛也脉法風則生其微

熱虛則兩脛攣急病與桂枝湯證形象符合而熱微足攣又似陽虛因增桂枝而加附子以發其表附子

溫經汗多亡陽是以厥逆咽乾而生煩躁汗出津枯胃府燥結是以讖語煩亂不知寸口脈浮大是陽明

之裏實陽明篇大便硬者脈浮而緩為陽明病傷寒三日陽明脈大三陽合病脈浮而大而非太陽之表虛誤以桂附發汗重亡其陽裏實變而

為裏虛更飲甘草乾薑湯陽回足溫重與芍藥甘草湯即脛伸少與調胃承氣變結糞為微溏止其讖語藥

良法精應手愈矣何不可知之有喻嘉言誤會陽且陰且二湯謂桂枝加黃芩為陽且渴加桂枝為陰且

桂枝之法增桂枝令其汗出更加附子溫經悸謬極矣嗣後醫書俱襲其說皆載陽且陰且二方不通之至仲景自有桂枝加桂湯不明陽且陰且之名荒唐怪誕所謂不知而妄作也

汗後吐逆證五太陽七十五

發汗後水藥不得入口為逆若更發汗必吐下不止

汗出陽泄土敗胃逆水藥不得入口是謂逆治若更發汗陽敗土崩太陰吐利之證必將俱作無有止期矣

汗後吐逆證六太陽七十六

病人脈數數為熱當消穀引食而反吐者此以發汗令陽氣微隔氣虛脈乃數也數為客熱不能消穀以胃

中虛冷故吐也

陰陽互根陽虛脫根升浮於上是以脈數數為客熱升浮不能消化水穀故作嘔吐緣其陽亡而胃中虛

冷也

吐後生煩證七太陽七十七

太陽病吐之但太陽病當惡寒今反不惡寒不欲近衣此為吐之內煩也

太陽病傷寒中風表邪外閉榮衛不達當見惡寒吐傷胃氣裏陽上逆外達皮毛故反不惡寒而欲去衣

被此爲吐之令陽火離根而內煩故也

吐後作吐證八 太陽七十八

太陽病當惡寒發熱今身自汗出不惡寒發熱關上脈細數者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也此爲小逆

吐傷胃陽虛浮無根故關脈細數一二日胃病尚淺吐則傷輕胃中虛餒故饑而胃氣上升故不能食三四日胃病頗深吐則傷重陽火虛浮故不喜糜粥欲食冷食而胃中虛冷不能化穀故朝食暮吐此亦過吐傷胃是謂小逆遲則微陽續復逆氣乃下也汗吐下溫鍼諸逆之中惟吐爲輕凡胸腹之內腐敗壅塞隔礙真陽鬱悶懊憹頭痛心煩吐之清氣通暢卽刻輕安最妙之法也卽吐之過當中虛內煩亦無汗下亡陽諸禍一溫中氣虛煩立止最易治療故曰小逆也

身疼下利症九 太陽七十九

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯 方在

三陰救表宜桂枝湯 方在太陽五

傷寒表病下之敗其裏陽續得下利清穀不止已成太陰自利而身體疼痛表證未解是表裏皆病然急當救裏不暇及表也救裏之後利止便調然後表之身疼痛者急當救之蓋表邪不解恐裏陰復鬱而生寒故救之宜急救裏宜四逆以溫中救表宜桂枝以解外傷寒而不用麻黃者裏陽既虛不敢過汗也 此與

太陰下利腹脹滿章彼此互文救表卽攻表攻表卽發表

新加湯證十 太陽八十

發汗後身疼痛脈沉遲者桂枝加芍藥生薑各一兩人參二兩新加湯主之

汗泄血中温氣陽虛肝陷故脉沉遲經脉凝滯風木鬱遏故身疼痛新加湯甘草補其脾精桂枝達其肝氣芍藥清風木之燥生薑行經絡之瘀人參補肝脾之陽以温營血而充經脉也

新加湯 二十

桂枝 三兩 甘草 二兩 大棗 十二枚 芍藥 四兩 生薑 四兩 人參 三兩

於桂枝湯內加芍藥生薑各一兩人參三兩餘依前法

葛根連芩證十一 太陽八十一

太陽病桂枝證醫反下之利遂不止脉促者表未解也喘而汗出者葛根黃芩湯主之

太陽病桂枝證有表邪而無裏邪醫反下之敗其中氣利遂不止此當温裏若脉促者是表未解也蓋病

在經絡不解表而攻裏表陽乘裏虛而內陷為裏陰所拒不得下達表裏東迫故見促象脉來數時止若復來者曰促若

喘而汗出者是胃氣上逆肺阻而為喘肺鬱生熱氣蒸而為汗也雖內有四逆證外有桂枝證而熱在胸

膈二方俱不能受宜葛根連芩湯主之葛根達陽明之鬱芩連清君相之火胸膈肅清然後中下之寒徐

可議温也 桂枝證解表而用葛根以喘而汗出胸膈鬱蒸宜葛根之辛涼不宜桂枝之辛温也

葛根黃連黃芩湯 二十一

葛根 半斤 黃連 三兩 黃芩 二兩 甘草 二兩

右四味以水八升先煮葛根減二升入諸藥煮取二升去滓分温再服

桂枝去芍藥證十二 太陽八十二

太陽病下之後脉促胸滿者桂枝去芍藥湯主之若微惡寒者去芍藥方中加附子湯主之

下後脉促表邪未解是宜桂枝而益以胸滿則陽衰胃逆濁氣衝塞去芍藥之酸寒以解表邪若微惡寒

者則不止脾陽之虛而腎湯亦敗加附子之辛溫以驅裏寒也

桂枝去芍藥湯 二十二

桂枝 三兩 甘草 二兩 生薑 三兩 大棗 十二枚

於桂枝方內去芍藥餘依前法

桂枝去芍藥加附子湯 二十三

桂枝 三兩 甘草 二兩 大棗 十二枚 生薑 三兩 附子 一枚 炮 去

於桂枝湯方內去芍藥加附子一枚去皮破八片餘依前法

桂枝厚朴杏子證 十三 太陽八十三

太陽病下之微喘者表未解故也桂枝加厚朴杏子湯主之

表病而攻其裏裏陰上逆而表邪未解肺氣鬱阻是以發喘桂枝加厚朴杏子降衝逆而破壅塞也

桂枝加厚朴杏子湯 二十四

桂枝 三兩 芍藥 三兩 甘草 二兩 大棗 十二枚 生薑 三兩 厚朴 二兩 杏仁 五十枚 去皮尖

於桂枝湯方內加厚朴二兩杏仁五十枚去皮尖餘依前法

桂枝厚朴杏子證 十四 太陽八十四

喘家作桂枝湯加厚朴杏子仁

平素喘家胃逆肺阻作桂枝湯解表宜加朴杏降逆而破壅也

桂枝去桂加茯苓白朮證 十五 太陽八十五

服桂枝湯或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯主之

服桂枝湯後或又下之仍復頭項強痛發熱無汗甚似表症未解而加以心下滿痛小便不利是非風邪之外束實緣濕邪之內動也蓋土虛濕旺脾陷而肝鬱不能泄水故小便不利胃逆而膽鬱不能降濁故心下滿痛濁氣衝塞故頭痛發熱桂枝去桂枝之解表加茯苓白朮泄濕而燥土也

桂枝去桂加茯苓白朮湯 二十五

芍藥

三兩甘草 二兩大棗 十二枚生薑 三兩茯苓 三兩白朮 三兩

於桂枝湯方內去桂枝加茯苓白朮各二兩餘依前法煎服小便利則愈

厚朴薑夏參甘證十六 太陽八十六

發汗後腹脹滿者厚朴生薑甘草半夏人參湯主之

胃不偏燥脾不偏濕脾升胃降中氣轉運胸腹沖和故不脹滿汗泄中氣陽虛濕旺樞軸不運脾陷胃逆則生脹滿厚朴生薑甘草半夏人參湯人參甘草補中而扶陽朴夏生薑降濁而行鬱也

厚朴生薑甘草半夏人參湯 二十六

厚朴 一斤生薑 半斤甘草 二兩半夏 半斤人參 一兩

右五味以水一斗煮取三升去滓溫服一升日三服

梔子厚朴證十七 太陽八十七

傷寒下後心煩腹滿臥起不安者梔子厚朴湯主之

下傷中氣樞軸不運是以腹滿陽明上逆濁陰不降腐敗壅塞宮城不清是以心煩煩極則臥起不安梔子厚朴湯厚朴枳實泄滿而降逆梔子吐濁痰而除煩也

梔子厚朴湯 二十七

梔子厚朴湯 二十七

梔子十四厚朴四兩葶炙積實去穢炒四枚水浸

以上三味以水二升半煮取一升半去滓分二服温進一服得吐者止後服

梔子乾薑證十八太陽八十八

傷寒醫以丸藥大下之身熱不去微煩者梔子乾薑湯主之

大下敗其中氣濁陰上逆瘀生腐敗阻格君火不得下行故身熱而心煩梔子乾薑湯乾薑降逆而温中

梔子吐痰而除煩也

梔子乾薑湯二十一八

梔子十四乾薑二兩

右二味以水二升半煮取升半去滓分三服温進一服得吐者止後服

梔子香鼓證十九太陽八十九

發汗若下之而煩熱胸中窒者梔子鼓湯主之

汗下敗其中氣胃土上逆濁氣壅滯君火不得下行故心宮煩熱胸中窒塞梔子鼓湯香鼓調中氣而開

窒塞梔子吐濁痰而除煩熱也

梔子鼓湯二十九

梔子十二香鼓四兩
枚劈綿裹

右二味以水四升先煮梔子得一升半內鼓煮取一升半去滓分二服温進一服得吐者止後服

梔子香鼓證二十太陽九十

發汗吐下後虛煩不得眠若劇者必反覆顛倒心中懊懣者梔子鼓湯主之若少氣者梔子甘草鼓湯主之

若嘔者梔子生薑豉湯主之

發汗吐下土敗胃逆君火不降故虛煩不得臥眠劇則陳菴壅塞濁氣熏心故反覆顛倒心中懊懣梔子豉湯吐其痰濁則陽降而煩止矣若少氣者加甘草以益氣若嘔者加生薑以止逆也

梔子甘草豉湯 三十

梔子 十四 香豉 四兩 甘草 二兩

於梔子豉湯內加甘草二兩餘依前法得吐者止後服

梔子生薑豉湯 三十一

梔子 十二 香豉 四兩 生薑 五兩

於梔子豉湯加入生薑五兩餘依前法得吐止後服

忌梔子證 二十一 太陽 九十一

凡用梔子湯病人舊微瀉者不可與服之

梔子苦寒之性泄脾胃而滑大腸凡用梔子諸湯設病人舊日脾陽素虛大便微瀉者不可與服也

太陽壞病入少陰去路 十七章

少陰以寒水而化君火平人水火交則腎水温陰盛之人水旺火衰腎氣原寒病在太陽表陽外鬱內寒已動一有汗下温鍼之逆陽亡土敗寒水無制水邪泛溢死不旋踵扶陽明而抑少陰良工當思患而預防也

防也

太陰壞病入少陰桂枝附子證 一 太陽 九十二

太陽病發汗遂漏不止其人惡風小便難四肢微急難以屈伸者桂枝加附子湯主之

衛陽汗泄皮毛失斂是以汗漏不止表虛是以惡風汗亡血中溫氣木鬱不能行水是以小便難陽亡土敗不能溫養四肢是以四肢微急難以屈伸腎主五液入心爲汗腎氣者諸陽之本汗漏不止則腎中陽根泄而不藏桂枝加附子湯桂枝達肝木之鬱陷芍藥斂風氣之疏泄薑甘大棗補脾精而和中氣附子暖腎水以益陽根也

桂枝加附子湯 三十二

桂枝 三兩 芍藥 三兩 甘草 二兩 大棗 十三枚 附子 一枚 炮 破八片 生薑 三兩

於桂枝湯內加附子一枚破八片餘依前法

芍藥甘草附子證 二 太陽九十三

發汗病不解反惡寒者虛故也芍藥甘草附子湯主之

汗泄血中溫氣木鬱陽陷故表病不解而反加惡寒芍藥甘草附子湯芍藥清風而斂榮血甘草培土而榮木氣附子煖水以補溫氣也

芍藥甘草附子湯 三十三

芍藥 三兩 甘草 三兩 附子 一枚 炮 破八片

以上三味以水五升煮取一升五合去滓溫服

內外俱虛證 三 太陽九十四

下之後復發汗必振寒脈微細所以然者以內外俱虛故也

申明上章惡寒之義汗下亡陽必身體振寒而經脈細微所以然者以下傷其內汗泄其外內外之陽俱虛故也

苓桂朮甘草證四 太陽九十五

傷寒若吐若下後心下逆滿氣上衝胸起則頭眩脉沉緊發汗則動經身為振振搖者茯苓桂枝白朮甘草湯主之

吐傷胃陽則病上逆濁氣衝塞故心逆滿陽氣浮升而無根故起則頭眩下泄脾陽則病下陷風木抑鬱故脉沉緊木愈鬱而愈升升發太過而不得平故氣上衝胸又復發汗以亡經中之陽溫氣脫泄木枯風動於是身體振搖勢如懸旌此緣於水旺土濕而風木鬱動也苓桂朮甘草湯苓朮泄水桂枝疏木而甘草補中也

茯苓白朮桂枝甘草湯 三十四

茯苓 四兩 甘草 三兩 桂枝 三兩 白朮 二兩

右四味以水六升煮取三升去滓分溫三服

真武湯證五 太陽九十六

太陽病發汗汗出不解其人仍發熱心下悸頭眩身瞤動振振欲擗地者真武湯主之 方在少陰十九

陽虛之人發汗過多土敗陽飛則頭目眩暈風木動搖則心悸肉瞤蓋木生於水而長於土水寒土濕木鬱風生是以悸動根本搖撼則悸在臍間枝葉振搖則悸在心下振振欲擗地者風動神搖欲穴地以自安也木鬱風動原於土濕而水寒真武湯生薑降濁而止嘔苓朮泄水而燥土芍藥清風而安振搖附子

溫腎水以培陽根也 真武湯治少陰病內有水氣腹痛下利小便不利四肢沉重痠痛或嘔者

桂枝甘草證 太陽九十七

發汗過多其人叉手自冒心心下悸欲得按者桂枝甘草湯主之

汗亡心液火泄神虛故又手自冒其心冒者覆也汗多陽亡溫氣泄脫風木不寧而土敗胃逆濁氣壅塞風木上行升路鬱阻故心下動悸欲得手按以靈神宇桂枝甘草湯桂枝疏木而安動搖甘草補土以培根本也

桂枝甘草湯 三十五

桂枝 四兩
甘草 二兩

右二味以水二升煮取一升去滓頓服

陽虛耳聾證七 太陽九十八

未持脉時病人又手自冒心師因致試令欬而不欬者此必兩耳聾無聞也所以然者以重發汗虛故如此五藏陰也陰中有陽清陽升發開竅五官濁陰下降七竅空靈故能聞見汗傷中氣肝脾不升肺胃不降清陽下陷濁陰上逆濁氣壅塞聽宮障蔽是以耳聾也

身重心悸證八 太陽九十九

脉浮數者法當汗出而愈若下之身重心悸者不可發汗若自汗出乃解所以然者尺中脉微此裏虛須表裏實津液自和便自汗出愈

浮數之脉當以汗解設在下後而見身重心悸之證雖有浮數之脉不可發汗當使其自汗出乃愈蓋水旺土濕則身體重濁木鬱風生則心下悸動以其傷肝脾之陽故也所以然者寸口雖見浮數而尺中則脉微弱寸口主表尺中主裏寸口浮數雖為表實而尺脉微弱則為裏虛須裏氣漸復表裏俱實則裏氣內拒表氣外發邪無內陷之慮便自汗出而愈醫家於此貴有實裏解表之法雖汗出而無虛虛之嫌則以人巧而代天工矣

桂苓甘棗證九 太陽一百五

發汗後其人臍下悸者欲作奔豚茯苓桂枝甘草大棗湯主之

汗亡血中溫氣風木鬱動是以振悸枝葉不寧則悸在心下根本不安則悸在臍間臍下振悸根本撼搖則奔豚欲作矣奔豚者風木奔騰狀如驚豚上衝胸膈及乎咽喉腹脇心首諸病皆作喘呼閉塞七竅火生病勢凶惡莫此為劇仲景扁鵲以為腎邪也 仲景靈亂臍上築者腎氣動也扁鵲難經腎之積曰奔豚其實純是肝氣蓋木氣奔衝原於陽亡而水寒也苓桂甘棗湯茯苓桂枝泄癸水而疏乙木甘草大棗補脾精以滋肝血也

茯苓桂枝甘草大棗湯 三十六

茯苓 半斤 桂枝 四兩 甘草 二兩 大棗 十二枚

右四味以甘瀾水一斗先煮茯苓減二升內諸藥煮取三升去滓溫服一升日三服 作甘瀾水法取水

二斗置大盆內以杓揚之水上有珠子五六千顆相逐取用之

桂枝加桂證十 太陽一百一

燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯更加

桂二兩

汗後陽虛脾陷木氣不舒一被外寒閉其鍼孔風木鬱動必發奔豚若氣從少腹上衝心胸便是奔豚發作宜先灸核上各一壯散其外寒即以桂枝加桂湯更加桂枝以疏風木而降奔豚也 桂枝加桂者於桂枝湯內更加桂枝也

桂枝加桂湯 三十七

桂枝 五兩 芍藥 三兩 甘草 二兩 大棗 十二枚 生薑 三兩

於桂枝湯內更加桂枝二兩共五兩餘依前法

桂枝加桂證十一 太陽一百二

太陽病下之後其氣上衝者可與桂枝湯用前法若不上衝者不可與之

下後其氣上衝是奔豚發作也可與桂枝湯用如前法疏風木而降奔衝若不上衝者奔豚未作不可與

前湯也

桂枝去芍藥加蜀漆龍骨牡蠣證十二 太陽一百三

傷寒脈浮醫以火迫劫之亡陽必驚狂起臥不安者桂枝湯去芍藥加蜀漆龍骨牡蠣救逆湯主之

汗多亡陽君火飛騰神魂失歸是以驚生濁氣上逆化生敗濁迷塞心宮是以狂作桂枝加蜀漆龍骨牡

蠣湯桂枝甘草疏木而培中生薑大棗補脾而降逆蜀漆吐腐瘀而療狂龍骨牡蠣斂神魂而止驚也

桂枝去芍藥加蜀漆龍骨牡蠣湯 三十八

桂枝 三兩 甘草 二兩 大棗 十二枚 生薑 三兩 蜀漆 三兩 洗 去腥 龍骨 四兩 牡蠣 五兩 熬

右為末以水一斗二升先煮蜀漆減二升內諸藥煮取三升去滓溫服一升

溫鍼亡陽證十三 太陽一百四

太陽傷寒者加溫鍼必驚也

溫鍼發汗亡陽土敗胃逆神魂無歸必生驚悸也

桂枝甘草龍骨牡蠣證十四 太陽一百五

火逆下之因燒鍼煩躁者桂枝甘草龍骨牡蠣湯主之

火劫發汗是為火逆火逆之證下之亡其裏陽又復燒鍼發汗亡其表陽神氣離根因而煩躁不安桂枝

甘草龍骨牡蠣湯 桂枝甘草疏乙木而培中脘龍骨牡蠣斂神氣而除煩躁也

桂枝甘草龍骨牡蠣湯 三十九

桂枝 一枚 甘草 二兩 龍骨 二兩 牡蠣 三兩

右爲末以水五升煮取二升半去滓温服八合日三服

茯苓四逆證十五 太陽一百六

發汗若下之病仍不解煩躁者茯苓四逆湯主之

汗下亡陽土敗水侮陽氣拔根擾亂無歸故生煩躁茯苓四逆湯茯苓參甘泄水而補土乾薑附子温脾而煖腎也

茯苓四逆湯 四十

茯苓 六兩 人參 一兩 甘草 二兩 乾薑 半兩 附子 一枚 去皮

右五味以水五升煮取二升去滓温服七合日三服

乾薑附子證十六 太陽一百七

下之後復發汗晝日煩躁不得眠夜而安靜不嘔不渴無表證脉微沉身無大熱者乾薑附子湯主之

汗下亡陽土敗水侮微陽拔根不得下祕故晝日煩躁不得眠夜而陽氣歸根是以安靜温氣脫泄乙木鬱陷故脉象沉微而身無大熱乾薑附子湯乾薑温中以回脾胃之陽附子温下以復肝腎之陽也

乾薑附子湯 四十一

乾薑 一兩 附子 一枚 生用去皮破八片

右二味以水三升煮取一升去滓頓服

禹餘糧證十七

太陽一百八

汗家重發汗必恍惚心亂小便已陰痛與禹餘糧丸

方闕

平素汗家液亡神虛重發其汗陽亡神敗必恍惚心亂濕動木鬱小便後陰痛以木鬱於水疏泄不暢便後滯氣凝澀故尿孔作痛禹餘糧斂陽神於陰精蟄君火而達風木也

太陽壞病入厥陰去路

一章

厥陰以風木主令陰盛之人病在太陽木鬱將發一有汗下溫鍼之逆陽取水寒乙木失溫生氣不遂厥陰之病相繼作矣

太陽壞病入厥陰胃冷吐蚘證一

太陽一百九

病人有寒復發汗胃中冷必吐蚘

藏府素有積寒復發汗以亡胃陽胃冷不能安蚘必吐蚘蟲因木化厥陰木鬱則生蚘蟲素問厥陰者陰之絕陽厥陰以至陰之藏寒極吐蚘則水騰而火不能復中伏死機是以內外感傷諸病一見吐蚘便屬險證陽絕則死陽復則生惟溫病吐蚘是熱非寒與餘證不同也

傷寒懸解卷五

昌邑黃元御坤載著

太陽經下篇 二十五章

太陽壞病結胸痞證

太陽之病不解於太陽而入陽明之府太陰之藏寒熱之偏勝危機伏藏是皆太陽之壞病也然悠悠忽失治離表傳裏俟其入於陽明而用承氣入於太陰而用四逆猶有救壞之方至於未成陽明下早而為結胸將成太陰誤下而為痞則陽明不成為陽明太陰不成為太陰承氣四逆方俱不可用是為壞中之壞莫可救挽者也仲景於此變承氣四逆而為陷胸瀉心法挽逆為順至德神功無以加矣

太陽壞病結胸痞證提綱 一 太陽一百十

病發於陽者多入陽明而為熱病發於陰者多入太陰而為寒病發於陽俟其表證已解內熱既實而用下乃不為早下早則表陽陷而為結胸此陽明之壞病也病發於陰始終不可用下誤下則裏陰升而為痞此太陰之壞病也

病發於陽而反下之熱入因作結胸發於陰而反下之因作痞所以成結胸者以下之太早故也

承病有發熱惡寒者發於陽也無熱惡寒者發於陰也

在太陽首篇

病發於陽風傷衛也風傷衛氣遏逼榮血

而生內熱藏陰衰者多傳於陽明當其經熱方盛法宜解表俟至表熱傳胃乃可攻下邪之內傳府熱未成胸熱先作以陽盛於上也熱未入府下之若早中氣受傷升降倒置胃土上逆膽木不得下行君相合邪刑尅肺金肺熱愈隆而皮毛不泄經絡之熱遂內入胸膈經府之氣兩相拒格硬滿作痛是為結胸病發於陰寒傷榮也寒傷榮血束閉衛氣而生外寒府陽弱者多傳於太陰誤下則脾陽下陷陰邪上壅堵

塞心下是謂痞證未下之前經熱非盛故下後原無熱入但痞滿不消久而鬱甚則生熱耳內傷脾虛之證往往心下痞滿誤投寒涼其痞愈甚卽此病也結胸上熱下寒而下寒不甚故用陷胸湯泄上焦之濕熱痞證亦上熱下寒而下寒較重故用瀉心湯清上而溫下結胸證惟陽明少陽有之以陽旺而生上熱也陽明上逆則少陽不降二氣鬱升痞證惟太陰有之以陰旺而生下寒也結胸因於下早痞證因於誤膈熱壅滯皮毛不泄故經熱內入

下大不同也結胸痞證總因胃氣不舒
甲木上逆但有陰陽之分

太陽壞病結胸證 十二章

結胸者異日之陽明今日下早而成者也胃府燥熱汗亡其陰則成陽明胸膈濕熱下陷其陽則成結胸若遲延數日濕被燥奪表寒已解府熱既實一下而愈何至於此故太陽而見陽明之證儘遲遲而用承氣勿匆匆而用陷胸蓋結胸乃陽明之壞病也陽明之病在腹結胸之病在胸承氣泄下焦之燥熱陷胸泄上焦之濕熱高下不同燥濕亦異也

太陽壞病結胸大陷胸證一 太陽百十一

太陽病脈浮而動數浮則爲風數則爲熱動則爲痛數則爲虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣煩躁心中懊懣陽氣內陷心下因硬則爲結胸大陷胸湯主之若不結胸但頭汗出餘處無汗劑頸而還小便不利者身必發黃也

太陽病脈浮而兼動數浮則爲表中於風數則爲榮鬱發熱動則爲經氣莫泄鬱迫而生疼痛數從浮見尙非內實是以曰虛其證頭痛發熱微盜汗出而反惡寒者表邪未解故也醫不解表而反下之動數之脈變而爲遲則胃氣敗矣陽敗胃逆得膽木降路逆衝胸膈膽胃相拒則膈內疼痛甲木下行化相火而歸癸水相火在水是爲下焦主氣今陽敗胃虛甲木逆行以下焦主氣客居膈上衝動不已此拒痛所由

來也心肺之脉以下降爲順胃膽逆阻心肺莫降相火上炎助君火而刑辛金則煩躁懊懣氣短胸盈膈熱鬱發皮毛不開經中陽氣亦遂內陷經府之熱彼此壅塞心中堅凝是爲結胸肺金鬱遏霧氣淫蒸津液淤濁化生痰涎大陷胸湯硝黃清其鬱熱甘遂決其痰飲胸中邪熱推蕩無餘矣若其不成結胸但頭上汗出餘處無汗劑頸而還下見小便不利者是苦寒泄其脾陽濕氣內鬱而無降路身必發黃表熱傳胃則爲陽明證陽明有陽而無陰故病燥熱表熱入膈則爲結胸證結胸上陽而下陰故病濕熱藏氣發舒則津液流溢藏氣壅塞則痰涎凝結無二理也

按大陷胸證表陽卽陷而經邪未解是宜內清胸膈之熱外解皮毛之邪使上鬱之裏熱固自裏散內陷之表陽還從表出仲景用大陷胸湯但泄上焦濕熱而不用表藥是救急之法此處尙可變通愚意用石膏甘遂枳實麻黃雙解表裏得仲景法外之意矣 程氏曰結胸證用枳實理中丸甚效欲破其結而軟其堅則黃芩苦葶牡蠣爲佳

大陷胸湯 四十二

大黃^{六兩}芒硝^{一升}甘遂^{一分}

右三味以水六升先煮大黃取二升去滓內芒硝煮一二沸內甘遂末溫服一升得快利後服

大陷胸證 二 太陽百十二

傷寒六七日結胸熱實脉沉而緊心下痛按之石韌者大陷胸湯主之

傷寒六七日後結胸而膈熱內實心下滿痛按之如石之韌者是眞大陷胸證也結胸之脉寸浮而關沉後章寸脉浮關脉沉名曰結胸是也脉沉而緊指關上言抵當湯證脉微而沉反不結胸蓋結胸之脉關上必沉也後章小結胸病正在心下脉浮滑者太陽病下之脉浮者必結胸也皆指寸脉言

大陷胸證三 太陽百十三

太陽病重發汗而復下之不大便五六日舌上燥而渴日晡時小有潮熱從心下至少腹硬滿而痛不可近者大陷胸湯主之

結胸證攻下後下寒逼熱在上病但在胸不至少腹此從心下至於少腹硬滿而痛是結胸而兼陽明府

病也合之舌上燥渴日晡潮熱全是胃府燥熱但小有潮熱府邪尚輕故用陷胸而不用承氣也

大陷胸丸證四 太陽百十四

結胸者項亦強如柔痙狀下之則和宜大陷胸丸

胸膈痞塞濕熱薰衝俯則甚痛故項常反折狀如柔痙大陷胸丸硝黃蕩其結熱杏仁破其滯氣葶藶泄其水飲變湯為丸病連項頸恐湯之速下也

大陷胸丸 四十三

大黃 半斤 芒硝 半斤 葶藶 半升 杏仁 半升 去皮熬

右四味搗篩二味內杏仁芒硝合研如脂合散取如彈丸一枚別搗甘遂末一錢七白蜜二合水二升煮

取一升溫頓服之一宿乃下如不下更服取下為效禁如藥法

結胸忌下證五 太陽百十五

結胸證其脈浮大者不可下下之則死

結胸之脈寸浮關沉寸浮則上熱關沉則中寒上熱甚而中寒不甚則浮多而沉少是以可下若其脈浮

大絕無沉意是非無中寒也乃中寒之極陽氣全格於上是以但見浮大而不見其沉下之中氣敗竭必

死無疑也結胸可以下愈者下焦之陽未至絕根故推盪其上鬱之陽使之通達於下以接下焦之根是

以愈也其脈浮大則陽已絕根於下是中虛外寒之診下之所以速其死也

結胸煩躁證六 太陽百十六

結胸證悉具煩躁者亦死

遷延日久結胸證無一不具若見煩躁則熱極矣上熱極者下寒必極如是者雖不下而亦死非死於上熱非死於下寒乃死於中氣之敗也

小結胸證七 太陽百十七

小結胸病正在心下按之則痛脈浮滑者小陷胸湯主之

小結胸病正在心下位與大結胸同但按之則痛非如大結胸之不按亦痛也脈則浮滑亦不如大結胸之寸浮關沉白虎湯證脈浮滑者此裏有熱表有寒也此雖不如大結胸之熱實而亦有裏熱較之大結胸證同而病輕小陷胸湯黃連連泄熱半夏降逆而滌飲苦葶清金而去垢是即大陷胸之制變而從輕者也

小陷胸湯 四十四

黃連 兩 半夏 半升 洗 苦葶實 大者一枚

右二味以水六升先煮苦葶實內諸藥煮取三升去滓分溫三服

藏結證八 太陽百十八

問曰病有結胸有藏結其狀何如答曰按之痛寸脈浮關脈沉名曰結胸也何謂藏結答曰如結胸狀飲食如故時時下利寸脈浮關脈細小沉緊名曰藏結舌上白胎滑者難治

結胸證不按亦痛前章膈內拒痛從心下至小腹硬滿而痛心下不按亦痛也此曰按之痛者按之則痛

刺耳寸脉浮者膈上有熱也。關脉沉者腹中寒也。藏結如結胸狀，病因陰邪逆衝，卽太陰之心下結硬而上無熱者也。其脉寸浮關沉，亦與結胸無異。加以脉小細緊，則陰邪獨結而無陽也。關主中焦，人之衛氣出於下焦，升清陽於濁陰者中焦也。宗氣出於上焦，降濁陰於清陽者中焦也。今關脉細小沉緊，則積寒內結有陰無陽，是謂死陰，故名藏結。心竅於舌，白胎滑者心火敗而肺津凝也。金性收斂，得火以溫之，則霧風飄灑而不凝，所謂相尅而實相成也。火衰則肺氣不布，而津液鬱濁，膠塞心宮，故舌上胎生滑者氣滯而津凝也。土燥則津枯而黃澀，金濕則液凝而白滑，寒熱之分也。舌胎白滑，火敗金鬱，是以難治。

藏結證九

太陽百十九

病脇下素有痞，連在臍傍，痛引少腹，入陰筋者，此名藏結死。

肝脉行於兩脇，素有痞者，肝氣之鬱結也。臍當脾胃之交，中氣所在，脇下之痞連在臍傍，土敗木鬱，肝邪之乘脾也。肝主筋，自少腹而絡陰器，前陰者宗筋之聚，肝氣鬱結則痛引少腹，而入陰筋，土木鬱迫，痞塞不聞，此名藏結久而木賊土崩，必主死矣。

藏結證十

太陽百二十

藏結無陽證，不往來寒熱，其人反靜，舌上胎滑者，不可攻也。

藏結之證，陰盛則寒，陽復則熱，寒爲死機，熱則生兆。陰陽相爭，多見煩躁，復之過者邪熱如焚，亦有下證。若絕無陽證，不往來寒熱，其人反靜，舌上胎滑者，是爲絕陰，不可攻也。肝膽同氣，寒熱往來而生煩者，屬木之陽復也。寒熱不作而反靜者，肝木之陰勝也。

結胸脉法十一

太陽百二十一

太陽病下之，其脉促不結胸者，此爲欲解也。脉浮者，必結胸也。脉緊者，必咽痛。脉弦者，必兩脇拘急。脉細數

者頭痛未止脉沉緊者必欲嘔脉沉滑者協熱利脉浮滑者必下血

太陽病下之裏邪既去經熱不得內傳而表邪未解經熱不能外達表裏迫束故脉見促象而不結胸者則表陽未陷經氣鬱勃必當外發爲汗此爲欲解也若寸脉浮者陰邪逆衝膈熱鬱迫必作結胸脉緊者表熱被束邪火上燔必苦咽痛肝膽之經傍循脇肋其脉象爲弦脉弦者木氣不舒必兩脇拘急脉細數者陽虛不能下祕爲濁陰衝逼升浮無根頭痛發作必當未已脉沉緊者胃氣鬱迫容納失職必作嘔吐脉沉滑者脾陽鬱陷肝木疏泄必協熱下利脉浮滑者乙木升發而生氣不暢鬱而生風疏泄失藏必病下血也

結胸癰證十二 太陽百二十二

太陽病二三日不得臥但欲起心下必結脉微弱者此本有寒分也反下之若利止必作結胸未止者四日復下之此作協熱利也

此言言也少陰

太陽病二三日正傳陽明少陽之時但欲起不能臥外煩如是知其心下必結蓋病入陽明少陽胃逆膽壅經氣鬱迫故心下結硬相火上炎是以煩生若脉見微弱此必有寒氣在內格其陽火乃反下之寒盛脾虧必當下利若下利已止脾氣不陷而寒邪在中不得下泄必當上逆膽胃壅塞則病結胸若下利未止脾氣方陷四日見其外熱愈甚而復下之則裏寒益增外熱更劇寒益增而利益甚此作協熱利也結胸與協熱利皆有寒分之邪在內寒邪上衝則胃逆而爲結胸寒邪下泄則脾陷而爲協熱利其病標異而本同協熱利者內寒協合外熱而下利也

太陽壞病痞證 十二 章

痞者異日之太陰今日誤下而成者也陽性虛而陰性實人之心下虛空者清陽升而濁陰降也升降清

濁之權在乎中氣下傷中氣升降失職濁氣上逆則生瘧脹清氣下陷則生飧泄故痞證與下利兼見悉因中氣之敗也太陰之證腹滿自利腹滿者痞之根本而未至成痞下之而胸下結硬乃成痞焉痞乃太陰之壞病也太陰藏寒溫宜四逆陽旺寒消自無餘事及其成痞則下寒而兼上熱四逆不受故變為瀉心清上溫下寒熱並用靈思妙解神化無窮矣

太陽壞病痞證人參桂枝湯證一 太陽百二十三

太陽病外證未解而數下之遂協熱而利利下不止心下痞硬表裏不解者桂枝人參湯主之

太陽病外證未解而數下之外熱不退而內寒亦增遂協合外熱而為下利利而不止清陽既陷則濁陰上逆填於胃口而心下痞硬緣中氣虛敗不能分理陰陽升降倒行清濁易位是裏證不解而外熱不退是表證亦不解表裏不解當內外兼醫桂枝人參湯桂枝通經而解表熱參朮薑甘溫補中氣以轉升降之機也太陰之胸下結硬即痞證也自利益甚即下利不止也中氣傷敗痞與下利兼見人參湯即理中湯助中氣之推遷降陽中之濁陰則痞消升陰中之清陽則利止是痞證之正法諸瀉心則因其下寒上熱從此而變逆也

桂枝人參湯 四十五

桂枝四兩 人參三兩 白朮三兩 甘草四兩 乾薑三兩

右五味以水九升先煮四味取五升內桂更煮取二升溫服一升日再夜一服

大黃黃連瀉心湯證二 太陽百二十四

傷寒大下後復發汗心下痞惡寒者表未解也不可攻痞當先解表表解乃可攻痞解表宜桂枝湯

方在太陽五

攻痞宜大黃黃連瀉心湯

傷寒下後復汗陽亡土敗遂成痞證而外見惡寒者表未解也蓋陰氣外束陽鬱不達則見惡寒外見惡寒則內必發熱內熱痞鬱法應攻之而表未解者不可攻也當先解表表解乃可攻痞解表宜從中風例用桂枝湯病在汗下後是以不用麻黃攻痞宜大黃黃連瀉心湯去其痞鬱之上熱也 上章用桂枝人參湯雙解表裏此用桂枝湯解表大黃黃連攻痞者以上則外熱而內寒此則外寒而內熱攻補不同也 溫中解表可以並用攻裏發表不可雙行故仲景於宜攻之病而有表證皆先表而後下

大黃黃連瀉心湯四十六

大黃二兩黃連二兩

右二味以麻沸湯漬之去滓分溫再服

附子瀉心證二太陽百二十五

脈浮而緊而復下之緊反入裏則作痞按之自濡但氣痞耳心下痞按之濡其脈關上浮者大黃黃連瀉心湯主之心下痞而復惡寒汗出者附子瀉心湯主之

脈浮而緊應以汗解而復下之緊反入裏浮緊變爲沉緊則作痞證痞證陽氣格鬱必生上熱陰氣凝塞必生下寒寒熱相逼二氣搏結則心下石硬而關脈沉緊是常用諸瀉心清上溫下之法若按之心下自濡診之關上脈浮者是下寒未生但是陽氣痞塞鬱生上熱宜用大黃黃連瀉其上熱無用溫藥也若下寒已生則心下不濡而關上不浮其上熱逼蒸別無去路是必開其皮毛泄而爲汗如是心下痞硬而復惡寒汗出者是其下寒已動宜附子瀉心湯大黃芩連泄其上熱附子溫其下寒也此以下傷其中氣土敗胃逆膽心不降君相二火皆升大黃泄胃而降逆黃連瀉其心火黃芩瀉其膽火第曰瀉心者相火以君火爲主也

附子瀉心湯 四十七

附子一枚泡去皮 大黃二兩 黃連一兩 黃芩一兩

右四味下三味以麻沸湯二升漬之須臾絞去滓內附子汁分溫再服

十棗湯證四 太陽百二十六

太陽中風下利嘔逆表解者乃可攻之其人熱漿汗出發作有時頭痛心下痞硬滿引脇下痛乾嘔短氣汗出不惡寒者此表解裏未和也十棗湯主之

太陽中風下利嘔逆是有水濕在內於法可攻然必表邪外解乃可攻之其人內有水氣格陽於外氣蒸竅泄熱漿汗出者而陰陽勝復發作有時水飲阻格濁氣不降頭爲之痛陰邪上壅心下痞結硬滿而引脇下疼痛胃氣上逆而生乾嘔肺氣上逆而苦短氣使非水飲鬱格何以至此若其熱漿汗出而不復惡寒者是表邪已解而裏氣未和也宜十棗湯大棗保其脾精芫遂大戟泄其水飲也

十棗湯 四十八

大棗十枚 芫花 甘遂 大戟

右三味等分各搗篩爲散以水一升半先煮大棗肥者十枚取八合去滓內諸藥末強人服一錢匕羸人服半錢平旦溫服若下少病不除者明日更服加半錢得快下利後糜粥自養

生薑瀉心證五 太陽百二十七

傷寒汗出解之後胃中不和心中痞硬乾噎食臭脇下有水氣腹中雷鳴下利者生薑瀉心湯主之

傷寒汗出解後胃中不和心中痞硬水穀不消陳宿停留濁氣衝胸而乾嘔食臭臍邪尅土土虛不能制水水鬱臍部而積於脇下土敗水賊陰氣激宕腹中雷鳴而病下利者生薑瀉心湯生薑半夏降其濁陰

黃芩黃連清其心膽薑甘參棗溫補中氣以轉樞軸也

生薑瀉心湯 四十九

生薑四兩半夏半升黃芩三兩黃連一兩甘草三兩人參三兩乾薑一兩大棗十二枚

右八味以水一斗煮取六升去滓再煎取三升溫服一升日三服

甘草瀉心湯證六 太陽百二十八

傷寒中風醫反下之其人下利日數十行穀不化腹中雷鳴心下痞硬而滿乾嘔心煩不得安醫見其心下痞謂病不盡復下之其痞益甚此非結熱但以胃中虛客氣上逆故使硬也甘草瀉心湯主之

傷寒中風應當解表醫反下之敗其中氣水穀不化土木皆鬱升降倒行脾陷而賊於乙木則腹中雷鳴而下利胃逆而迫於甲木則心下痞硬而乾嘔君相二火皆升而心煩醫以痞為結熱而復下之其痞益甚不知此非結熱但以胃中陽虛不能隄障陰邪陰中客氣上逆陽位故使心下結硬也甘草瀉心湯甘

草薑棗補中而溫下寒半夏芩連降逆而清上熱也

甘草瀉心湯 五十

甘草四兩大棗十二枚乾薑三兩半夏半斤黃芩三兩黃連一兩

右六味以水一斗煮取六升去滓再煎取三升溫服一升日三服

石脂禹餘糧證七 太陽百二十九

傷寒服湯藥下利不止心下痞硬服瀉心湯已復以他藥下之利不止醫以理中與之利益甚理中者理中

焦此利在下焦赤石脂禹餘糧湯主之復利不止者當利其小便

傷寒誤服寒涼湯藥傷其中氣利下不止心下痞硬服瀉心湯已下利未止謂其中有積熱復以他藥下

傷寒誤服寒涼湯藥傷其中氣利下不止心下痞硬服瀉心湯已下利未止謂其中有積熱復以他藥下

傷寒誤服寒涼湯藥傷其中氣利下不止心下痞硬服瀉心湯已下利未止謂其中有積熱復以他藥下

傷寒誤服寒涼湯藥傷其中氣利下不止心下痞硬服瀉心湯已下利未止謂其中有積熱復以他藥下

之陽氣脫陷下利不止醫又意中寒以理中與之其利益甚理中者但理中焦此之下利在於下焦滑脫何以能止宜赤石脂禹餘糧湯固下焦之滑脫利乃可止也若使復利不止者必自土濕水停前竅不通而後注大腸當利其小便水道開而穀道合矣

赤石脂禹餘糧湯 五十一

赤石脂 一斤禹餘糧一斤

右二味以水六升煮取二升去滓三服

五苓散證八 太陽百三十

本以下之故心下痞與瀉心湯痞不解其人渴而口燥煩小便不利者五苓散主之 方在太陽四十二

本以攻下之故得心下痞證是宜服瀉心湯與瀉心湯而痞不解其人土濕水停口渴心煩小便不利者宜五苓散泄水燥土以利小便土燥則中氣轉運濁降清升痞硬自消也 痞證必兼下利上章復利不止者當利其小便利小便之法五苓散是也五苓證痞與下利兼醫此但言痞而不言下利者省文也

旋覆代赭證九 太陽百三十三

傷寒發汗若吐若下解後心下痞硬噎氣不除者旋覆花代赭石湯主之

傷寒汗吐下解後心下痞硬噎氣不除以外證雖解而汗下傷中土敗胃逆礙膽經降路胃口痞塞肺氣鬱蒸而化痰飲胃土壅遏而生噦噎旋覆花代赭石湯參甘大棗補其中脘半夏薑赭降其逆氣旋覆花行痰飲而開鬱濁也濁氣上壅痞悶噎氣以旋覆花代赭石補虛降逆噎氣立除若除後再用則病下陷不可常服也

旋覆花代赭石湯 五十二

旋覆花三兩代赭石一兩生薑五兩半夏半升甘草三兩人參二兩大棗十二枚

右七味以水一斗煮取六升去滓再煎取三升溫服一升日三服

瓜蒂散證十太陽百三十二

病如桂枝證頭不痛項不强寸脉微浮胸中痞硬氣上衝咽喉不得息此為胸有寒也當吐之宜瓜蒂散諸亡血家不可與

病如桂枝湯證但頭不痛項不强寸脉微浮其內則心中痞硬氣上衝於咽喉不得喘息此為心有寒痰阻塞竅隧故令肺氣壅塞不得布散也法當吐之宜瓜蒂散香豉行其滯小豆泄其濕瓜蒂湧其寒痰若諸亡血之家血慣上逆不可與也

瓜蒂散 五十三

瓜蒂一分赤小豆一分

右二味各別搗篩為散已合治之取一錢匕以香豉一合用熱湯七合煮作稀糜去滓取汁合散溫頓服之不吐者少少加得快利乃止

經脉動傷證十一太陽百三十三

傷寒吐下後發汗陽虛煩脉甚微八九日心下痞硬脇下痛氣上衝咽喉眩胃經脉動傷者久而成痿

吐下而又發汗陽虛生煩脉甚微弱至八九日心下痞硬脇下疼痛緣陽亡土敗胃氣上逆礙膽經降路

膽脉自胃口而循兩脇膽經壅塞故心下痞而脇下痛胃口堵塞肺氣不得下行故上衝咽喉肺胃上逆

陽氣上浮旋轉不寧故頭目眩胃濁氣鬱蓄而不疏通經脉莫容故動惕不安如是者久而成痿蓋肝司

榮血而主筋脉血旺筋柔是以不痿甲木逆升相火上炎乙木下降鬱而生風榮血瘀澀經氣不暢風木

抑遏是以動搖久而經脈失養故成痿病也 素問痿病治痿獨取陽明陽明者五藏六府之海主潤宗筋宗筋主束骨而利機關也衝脈者經絡之海主滲灌谿谷與陽明合於宗筋陰陽總宗筋之會會於氣衝而陽明爲之長皆屬於帶脈而絡於督脈故陽明虛而宗筋縱帶脈不引故足痿不用也陽明下降則化金水金水收藏相火下祕而溫腎肝木氣滋榮故筋脈輕健而不痿軟陽明不降胃逆膽升火泄而水寒生氣枯槁筋脈不榮是以成痿

表裏俱虛證十一 太陽百三十四

太陽病醫發汗遂發熱惡寒因復下之心下痞表裏俱虛陰陽氣並竭無陽則陰獨復加燒鍼因胸煩面色青黃膚潤者難治令色微黃手足溫者易愈

太陽病醫發其汗榮衛俱虛衛氣內陷則發熱榮血外束則惡寒醫見汗之不愈因復下之陽亡土敗心下痞結汗泄其表下泄其裏表裏俱虛內外之氣並竭表裏陽亡但有獨陰復加燒鍼以泄心肺之氣因而胸膈生煩若面色青黃皮膚潤動者是土敗木賊風動而經鬱也其病難治若色微黃而不青手足溫煖而不冷是土氣續復而無木邪四末陽回而非獨陰其病易愈也

傷寒懸解卷六

昌邑黃元御坤載著

陽明經上篇 五十章

陽明實證

胃 胃 胃

胃 胃 胃

陽明以戊土而化氣於燥金陽明者胃之經胃者陽明之府陽明病有經有府經主傳輸而府主受盛病在太陽之經若胃陽非旺則二日陽明三日少陽六日經盡汗解不入陽明之府此總統於太陽一經不論二三四日俱係桂枝麻黃之證雖二日陽明之時亦不得謂之陽明病以其明日則傳少陽後日則傳太陰非陽明中土無所復傳之證也若胃陽表盛經邪內傳此方謂之陽明病蓋正陽當令則太少無權而三陰退避自此而永留胃府終始不遷所謂陽明中土無所復傳也方其府熱未實經病不能是為葛根湯證及其胃熱鬱蒸汗出表解潮熱痛滿但用承氣攻下別無餘事使非下早裏虛萬無意外之變感病之百不一失甚可慶慰者也然而物忌盛滿亢則害生於此遷延失下久而陰為陽併精液消亡土焦水涸亦歸於死仲景所以示早攻之戒而又垂急下之條早攻則陽去而入陰緩下則陰盡而陽亢遲速均失也是故承氣之法妙在緩急恰宜之交使夫病去而人存是在良工焉

陽明經提綱 陽明一

胃為燥土燥則生熱病在三陽不論何經之感鬱其內熱胃病即作以胃家之陽實也顧陰易盛而陽易虧故胃有實熱而非無虛冷實熱則陽神用事併陰而歸陽虛冷則陰邪司權出陽而入陰非一致也然名為陽明以其兩陽合明而極盛也居陽實之名而有陽虛之實則陽明不成為陽明徒負虛聲矣是以胃家之實可曰陽明之為病至於胃中之虛是名為陽明而實為太陰尙可曰陽明之為病乎仲景於陽

明之爲病冷熱虛實兩立而俱存之而提綱則曰胃家實也其崇陽黜陰之意具見於文字之外矣
陽明之爲病胃家實也

胃者陽明之府陽明之爲病全緣胃家之陽實陽實則病至陽明府熱鬱發病邪歸胃而不復他傳非他經之不病也三陽之陽莫盛於陽明陽明之邪獨旺不得屬之他經也胃家之實而病歸胃府終始不遷故曰陽明之爲病若胃陽非實則今日在陽明之經明日已傳少陽之經後日已傳太陰之經未可專名曰陽明之爲病也

陽明提綱二 陽明二

傷寒二日陽明脉大

傷寒一日太陽二日陽明三日少陽陽明之脉大少陽之脉弦細若三日正傳少陽之時不見少陽弦細之脉而見陽明之大脉知其傳於陽明之府矣

陽明外證一 陽明三

問曰陽明病外證云何答曰身熱汗自出不惡寒反惡熱也

裏熱外發則身熱熱氣薰蒸則汗自出汗出表解但熱無寒故不惡寒反惡熱此後全是內熱爲害與外寒無關也

陽明外證二 陽明四

問曰病有得之一日不發熱而惡寒者何也答曰雖得之一日惡寒將自罷卽自汗出而惡熱也

得陽明病之一日太陽表證未罷則猶見惡寒以胃熱未盛故也遲則胃熱隆盛孔竅蒸泄惡寒將自罷卽自汗出而惡熱也

陽明外證三陽明五

問曰惡寒何故自罷答曰陽明居中土也萬物所歸無所復傳始雖惡寒二日自止此爲陽明病也

感傷二陽則爲熱傳之三陰則爲寒以陽盛於府陰盛於藏府病則熱藏病則寒也感證一傳胃府則胃熱日增不復再傳三陰而爲寒緣陰盛之人三陽方病於外三陰卽應於中傳陰則後之惡寒無有止期此但入三陰爲寒不入胃府爲熱者也陽盛之人太陽被感府熱鬱生其始熱未極盛猶見惡寒俟至二日熱盛之極氣蒸汗泄則惡寒自止此但入胃府爲熱不入三陰爲寒者也陽盛則生陰盛則死陰莫盛於少陰陽莫盛於陽明病入三陰死多生少雖用薑附回陽難保十全無失最可慮也一傳胃府則正陽司氣三陰無權萬不一死至爲吉兆俟其胃熱盛實一用承氣攻下自無餘事陽貴陰賤正爲此也

陽明外證四陽明六

傷寒發熱無汗嘔不能食而反汗出澀澀然者是轉屬陽明也

太陽傷寒經證未解發熱無汗嘔不能食緣寒邪束迫胃氣壅逆故無汗而嘔食不能下也而反汗出澀澀然者必因胃府有熱蒸其皮毛是爲轉屬陽明也

陽明外證五陽明七

傷寒脈浮而緩手足自溫者是爲繫在太陰太陰者身當發黃若小便自利者不能發黃至七八日大便硬者爲陽明病也傷寒轉繫陽明者其人澀澀然微汗出也

太陽傷寒陽旺則傳陽明陰旺則傳太陰若脈浮而緩手足自溫是陽明太陰所同且以繫之太陰然太陰身當發黃緣濕土被鬱必見黃色雖脾胃俱有黃證而胃之發黃乃太陰濕土所傳也若小便自利者則濕去又不能發黃太陰陽明何從別之必驗之大便太陰之大使自利陽明之大使則硬至七八日大

便硬者此爲陽明病也又太陰無汗傷寒轉繫陽明者其人濇濇然微汗出也

此與太陰至七八日暴煩下利條彼此互文

陽明來路一陽明八

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩熱大便難是也

陽明之病或自太陽傳來或自少陽傳來或由本經自入自太陽來者謂之太陽陽明太陽陽明者小便數而大便難膀胱津涸脾胃失潤因而脾氣約結糞粒堅小也本經自入者謂之正陽陽明正陽陽明者胃家陽實不俟別經之傳一有表邪外鬱府熱自發也自少陽來者謂之少陽陽明少陽陽明者發汗利水膽液枯槁因而胃中燥熱大便艱難也太陽陽明者寒水之枯少陽陽明者相火之旺正陽陽明者燥金之盛也

陽明來路二陽明九

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者是名陽明也

陽明病來自太陽者多少陽者少陽盛之人太陽病感汗下利水亡其津液以至胃中乾燥因而轉屬陽明燥熱內實大便堅硬此名爲陽明也

陽明來路三陽明十

本太陽病初得時發其汗汗先出不徹因轉屬陽明也

太陽病汗出透徹則表解而裏氣亦達若汗出不徹表邪未解府熱鬱生因而轉屬陽明也

陽明來路四陽明十一

二陽併病。太陽初得病時發其汗。汗先出不徹。因轉屬陽明。續自微汗出。不惡寒。若太陽病證不罷者。不可下之。爲逆。如此可小發汗。設面色緣緣正赤者。陽氣拂鬱在表。當解之。若發汗不徹。不足言陽氣拂鬱。不得越當汗不汗。其人煩躁。不知痛處。乍在腹中。乍在四肢。按之不可得。其人短氣。但坐以汗出不徹故也。更發汗則愈。何以知汗出不徹。以脈濇故知也。

病傳陽明之府。而太陽表證未罷。謂之二陽併病。以太陽初病發汗不徹。經熱內蒸。因而轉屬陽明。續自微汗出。而不惡寒。便是府熱作矣。府熱宜下。若太陽表證不罷者。不可下。下則陽內陷。此之謂逆。如此可小發汗。以泄其表。設表邪外盛。面色緣緣正赤者。此陽氣拂鬱在表。不得出路。鬱蒸頭面之故。當內解外。靈令其透徹。不得小汗。以致邪留。若發汗不徹。陽氣拂鬱不得外越。其人胃氣內遏。必至煩躁。又覺疼痛。其痛不知其處。或在腹中。或在四肢。按之絕不可得。而且隧路壅阻。呼吸短氣。凡此諸證。皆坐以汗出不徹故也。更發其汗。則愈。此何以知是汗出之不徹。以其脈濇故知之也。濇者。陽鬱而不滑利也。拂鬱抑鬱之意。漢書鄒陽傳。太后拂鬱泣血。楚辭。沈江心拂鬱而內傷。靈法以益盛滾水入被。熱薰取汗。最捷宜於下部用之。

陽明經病府病汗下總綱一 陽明十二

病人煩熱汗出則解。又如瘧狀。日晡時發熱者。屬陽明也。脈實者宜下之。脈浮虛者宜發汗下之。與大承氣湯發汗宜桂枝湯。方在太陽五

太陽表證未解而生煩熱。汗出則煩熱解矣。乃汗後又如瘧狀。每日日晡時發熱者。此屬陽明也。日晡申

陽明旺盛之時也。漢書天文志。正月且決八風。且至食爲麥。食至暎爲稷。暎至晡爲黍。晡至下晡爲菽。下晡至日入爲麻。各以其時用雲色占種。所宜按日晡在日暎之後。下晡在日入之前。正申酉戌燥金得令時也。

陽明有經證。有府證。經證表熱外發。其脈浮虛。府證裏熱內結。其脈實。脈實者宜下之。以泄其裏熱。脈浮

虛者宜發汗以泄其表熱下之與大承氣湯大黃芒硝破結而泄熱厚朴枳實降濁而消滿也發汗宜桂枝湯薑甘大棗補脾精而和中氣桂枝芍藥通經絡而泄榮鬱也

陽明經病 七章 府病連經

陽明白太陽傳來未入於府全是經病經病宜汗其未離太陽之經則用麻桂其將入陽明之府則加葛根陽明一見吐利雖未是裏實可下之證然而經迫府鬱已是胃熱將成之根故用葛根雙解經府之鬱此證得法自無離經入府之患矣

陽明經病桂枝證一 陽明十三

陽明病脉遲汗出多微惡寒者表未解也可發汗宜桂枝湯 方在太陽五

脉遲汗出惡寒是太陽中風脉證故宜桂枝而多汗已屬胃陽之盛故曰陽明病也

麻黃證二 陽明十四

陽明病脉浮無汗而喘者發汗則愈宜麻黃湯 方在太陽二十

脉浮無汗而喘是太陽傷寒脉證故宜麻黃 太陽經病內傳陽明之府陽明之府邪未實太陽之經邪未罷是宜用太陽表藥即裏有下證而表病未解亦不可下當先以麻桂表其風寒然後議下也 風脉

浮緩寒脉浮緊遲者緩之變文也風脉不言浮寒脉不言緊省文也太陽傳陽明緩緊之中必兼大象以

傷寒二日陽明脉大前章已經提明故此不及

麻黃證三 陽明十五

太陽與陽明合病喘而胸滿者不可下麻黃湯主之

太陽與陽明合病經迫府鬱胃逆肺脹故喘而胸滿宜麻黃湯麻黃發表而散寒杏仁降逆而止喘不可

下也

桂枝葛根證四 陽明十六

太陽病項背強八八汗出惡風者桂枝加葛根湯主之

陽明經行身之前自頭下膈而走足太陽經行身之後自頭下項循背而走足太陽經病頭痛項強而已不至八八緣太陽表病不解鬱遏陽明經府之氣不得順降逆衝胸膈背者胸之府也胸膈脹滿則項背壅阻愈格太陽下行之路故八八不柔葛根泄陽明之經氣降逆而達鬱也

桂枝加葛根湯 五十四

桂枝 三兩 芍藥 三兩 甘草 二兩 大棗 十二枚 生薑 三兩 葛根 四兩

右六味以水一斗先煮葛根減二升去上沫內諸藥煮取三升去滓溫服一升覆取微似汗不須啜粥

葛根證五 陽明十七

太陽病項背強八八無汗惡風者葛根湯主之

榮為寒傷閉束二陽衛氣葛根湯葛根泄陽明之衛麻黃泄太陽之衛桂枝芍藥通經絡而清榮血薑甘

大棗和中氣而補脾精也

葛根湯 五十五

葛根 四兩 麻黃 三兩 桂枝 二兩 芍藥 二兩 甘草 二兩 生薑 二兩 大棗 十二枚

右七味咬咀以水一斗先煮麻黃葛根減二升去上沫內諸藥煮取三升去滓溫服一升覆取微似汗不

須啜粥餘如桂枝法將息及禁忌

葛根證六 陽明十八

太陽與陽明合病者必自下利葛根湯主之

太陽表寒外束經絡壅迫鬱遏陽明胃氣不能容納水穀已化之食必當泄而下葛根麻黃泄二陽之衛鬱以鬆裏氣也

葛根半夏證七 陽明十九

太陽與陽明合病不下利但嘔者葛根加半夏湯主之

二陽合病經迫府鬱不能容納水穀未化之食必當湧吐而上半夏降胃逆而止嘔吐也

葛根加半夏湯 五十七

葛根 四兩 麻黃 三兩 泡去 桂枝 二兩 芍藥 二兩 甘草 二兩 生薑 三兩 大棗 十二枚 半夏 半升

右八味以水一斗先煮葛根麻黃減二升去上沫內諸藥煮取二升去滓溫服一升覆取微似汗

陽明府病 二十七章

陽明病自經傳府府病宜下其經證未罷猶見惡寒則宜先汗而後下經證已解惡寒不作而潮熱汗出全是府證當相其緩急而用下法也

陽明府證調胃承氣證一 陽明二十

太陽病三日發汗不解蒸蒸發熱者屬胃也調胃承氣湯主之

太陽病二日陽明三日少陽此但傳經絡而不入藏府發汗則解矣乃當三日少陽之期發汗不解而反蒸蒸發熱者此不在經而在胃也宜早以調胃承氣調之免後此之用大承氣此大承氣之初證也

調胃承氣湯 五十七

大黃 三兩 清酒 浸去皮 甘草 二兩 芒硝 半斤

右三味咬咀以水二升煮取一升去滓內芒硝更上火微煮令沸少溫服

大承氣證二陽明二十一

一陽併病太陽證罷但發潮熱手足皴皴汗出大便難而譫語者下之則愈宜大承氣湯

二陽併病太陽經證既罷但有陽明府證潮熱汗出大便難而譫語全是胃府燥熱閉塞不通下之泄其

胃熱則愈宜大承氣湯也 潮熱即日晡發熱按時發作期如潮信也

大承氣湯五十八

大黃四芒硝三枳實五枚厚朴半斤炙
兩芒硝兩枳實炙

右四味以水一斗先煮枳朴取五升去滓內大黃煮取二升去滓內芒硝更上火微一兩沸分溫再服得

下餘勿服

小承氣湯證二陽明二十二

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濼然而汗出者此大便已硬也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

陽明病而見脈遲是濕旺之診雖汗出不惡寒者表證已解然而裏熱未成以其土濕也其身必重濁滯滯迫至胃熱已盛燥奪其濕肺府壅遏短氣腹滿而喘有潮熱者此外證欲解可攻裏也再驗其手足濼然而汗出者此胃熱盛實大便已硬也宜以大承氣泄之蓋四肢秉氣於胃胃寒則四肢厥冷胃熱則四肢氣蒸汗泄故手足汗出是為胃熱之極大便硬也若汗雖多猶微發熱而惡寒者外未解也不可攻裏即外已解而其熱不潮尚非可下之時未可與承氣湯若腹中大滿不通者急不能待可與小承氣湯微

和胃氣通其大滿而止勿令大泄下也

小承氣湯五十九

大黃四兩厚朴二兩枳實三枚

以上三味以水四升煮取一升二合去滓分溫三服初服湯當更衣不爾者盡飲之若更衣者勿服也

小承氣證五陽明二十三

太陽病若吐若下若發汗微煩小便數大便因硬者與小承氣湯和之愈

吐下發汗傷其津液微覺心煩小便數行大便因硬者此將來之大承氣證宜早以小承氣和之即愈也

調胃承氣證五陽明二十四

陽明病不吐不下心煩者可與調胃承氣湯

不因吐下而心煩者胃陽原盛所謂正陽陽明也燥土耗傷津液則煩心煩即譫語之根甚則譫語此亦

大承氣之初證也

亡津便硬證六陽明二十五

陽明病本自汗出醫更重發汗病已差尚微煩不了了者此大便必硬故也以亡津液胃中乾燥故令大便

硬當問其小便日幾行若小便日三四行今日再行故知大便不久出今為小便數少以津液當還胃中故

知不久必大便也

本自汗出又重發其汗熱隨汗泄病已差矣尚微煩而不了了者此過汗亡津胃中乾燥大便必硬當問

其小便一日幾行若小便前多而今少則大便必不久出以津液還入胃中腸胃滋潤故也

蜜煎導引證七陽明二十六

陽明病自汗出若發汗小便自利者此為津液內竭雖硬不可攻之當須自欲大便宜蜜煎導而通之若土瓜根及與大豬膽汁皆可為導

本自汗出若又發其汗或小便自利者此為津液內竭非胃熱土燥可比大便雖硬不可攻之當須自欲大便結而不下宜蜜煎導而通之若土瓜根土瓜根汁入少水筒吹入肛門大便立通及與大豬膽汁皆可為導也

蜜煎導方 六十

蜜七合

右一味入銅器中微火煎之稍凝似飴狀攪之勿令焦著欲可丸併手捻作挺令頭銳大如指長二寸許當熱時急作冷則硬以內穀道中以手急抱欲大便時去之

豬膽方 六十一

大豬膽一枚

右一味瀉汁和醋少許以灌穀道中如一食頃當大便出

麻仁圓證八陽明二十七

跌陽脉浮而濇浮則胃氣強濇則小便數浮濇相搏大便則難其脾為約麻仁圓主之

陽明胃經自頭走足行於足跌動脉曰衝陽故名跌陽陽盛則脉浮浮則胃氣強壯也血虛則脉濇濇則風木疏泄而小便數也浮濇相合土燥木枯大便則難其脾氣約結而糞粒堅小此太陽陽明之證也入章

太陽陽明者脾約是也

宜麻仁圓麻仁杏仁潤燥而滑腸芍藥大黃清風而泄熱厚朴枳實行滯而開結也

麻仁丸方 六十二

麻子二升芍藥半斤杏仁一升熬別作脂大黃一斤去皮厚朴一斤枳實半斤

右六味為未煉蜜丸桐子大飲服十九日三服漸加以利為度

大承氣證九 陽明二十九

得病二三日脉弱無太陽柴胡證煩躁心下硬至四五日雖能食與小承氣湯少與微和之令小安至六日與承氣湯一升若不大便六七日小便少者雖不能食但初頭硬後必溏未定成硬攻之必溏須小便利屎定硬乃可攻之宜大承氣湯

得病二三日脉弱而無太陽少陽表證乃煩躁而心下硬滿是非少陽之證而實陽明之證也蓋膽胃之經自頭走足悉由胃口下行少陽病則以甲木而迫戊土陽明病則以戊土而遏甲木經氣不降痞結胃口皆有心中硬滿之證而此無少陽表證而見煩躁故定屬陽明而不關少陽也至四五日雖猶能食然府邪已成可以小承氣湯少與和之令其煩躁少安至六日邪實之時與承氣湯一升以利之則府熱泄矣若不大便六七日計期可下而小便少者則大便必不硬便硬腸結胃熱不得下泄濁氣薰衝必不能食此證雖不能食然胃非乾燥其大便初頭結硬阻濁氣下泄之路故不能食其後必是稀溏未至結硬而遽攻之必成溏泄須小便利後津亡土燥屎定全硬乃可攻之宜大承氣湯也

小承氣證十 陽明二十九

陽明病潮熱大便微硬者可與大承氣湯不硬者不可與之若不大便六七日恐有燥屎欲知之法少與小承氣湯入腹中轉失氣者此有燥屎乃可攻之若不轉失氣此但初頭硬後必溏攻之必脹滿不能食也欲飲水者與水則噦其後發熱者必大便復硬而少也以小承氣和之不轉失氣者慎不可攻也

燥屎阻得滯氣之鬱過者多小承氣泄其壅滯隧道略通故轉失穢氣此當以大承氣攻之若不轉失氣則胃無燥屎攻之敗其中氣必脹滿不能食也與水則噦亦不能飲雖其後陽回發熱大便堅矣而葢必

少也以其不能食故亦止可以小承氣湯和之不可攻也

小承氣證十一 陽明三十

陽明病譫語發潮熱脉滑而疾者小承氣湯主之因與承氣一升腹中轉失氣更服一升若不轉失氣勿更與之明日不大便脉反微濇者裏虛也爲難治不可更與承氣湯也

脉滑而疾者血熱而陽旺也脉反微濇者血寒而陽虛也

大承氣證十二 陽明三十一

傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脉弦者生濇者死微者但發熱譫語耳大承氣湯主之若一服利止後服

煩躁之極則循衣摸牀木燥風生則惕而不安氣阻肺熱則微喘血枯系結故直視弦則木氣猶存故生濇則榮血已槁故死

亡津譫語證十三 陽明三十二

傷寒四五日脉沉而喘滿沉爲在裏而反發其汗津液越出大便爲難表虛裏實久則譫語

熱在裏則脉沉胃氣壅遏則肺阻而爲喘氣滯而爲滿誤汗亡津表陽虛而裏熱實久則神氣煩亂而爲譫語

大承氣證十四 陽明三十三

汗出譫語者以有燥屎在胃中此爲風也須下之過經乃可下之若早語言必亂以表虛裏實故也下之則愈宜大承氣湯

汗多耗其胃津精粕失潤結爲燥屎阻塞胃氣胃熱不泄消耗心液故作譫語此爲木燥而風生也胃熱宜下俟六日之外已過經期而後下之若早裏熱未實語言必亂而爲鄭聲以其汗多津亡表虛裏實經中清氣不敵府中邪火之旺原有讖語之根裏實未至而遽下之故實家之讖語變爲虛家之鄭聲也

調胃承氣證十五 陽明三十四

傷寒十三日不解過經譫語者以有熱也當以湯下之若小便利者大便當硬而反下利胃脈調和者知醫以丸藥下之非其治也若自下利者脈當微厥今反和者此爲內實也調胃承氣湯主之

十三日已過再經之期而作譫語是有內熱當下若小便利者其大便當硬而反下利而脈又調和者知醫以丸藥下之內熱未泄非其治也若內虛而自下利者脈當微厥而不調脈法厥者初來大漸漸小更來漸漸大是也今反調和者此爲內實也內實宜湯不宜丸當服調胃承氣湯也

大承氣證十六 陽明三十五

陽明病下之心中懊憹而煩胃中有燥屎者可攻腹微滿初頭硬後必漉不可攻之若有燥屎者宜大承氣湯

下之而心中懊憹而煩胃中有燥屎者可再攻也平人燥屎俱在大腸陽明病熱盛津枯糟粕在胃已成結燥不須至腸故曰胃中有燥屎內無燥屎胃氣未至鬱遏故腹大滿也

大承氣證十七 陽明三十六

陽明病譫語有潮熱反不能食者胃中必有燥屎五六枚也宜大承氣湯下之若能食者但硬耳燥屎結塞濁氣上沖則不能食

大承氣證十八

陽明三十七

病人小便不利大便乍難乍易時有微熱喘冒不得臥者有燥屎也宜大承氣湯

土燥水枯則小便不利氣有通塞則大便乍難乍易胃熱內燔則肌表時有微熱胃氣鬱遏則喘阻昏冒不得寢臥此有燥屎結塞之故也素問腹中論不得臥而息有音者是陽明之逆也足三陽者下行今逆而上行故息有音也陽明者胃脈也胃者六府之海其脈亦下行陽明逆不得從其道故不得臥也

大承氣證十九

陽明三十八

病人不大便五六日繞臍痛煩躁發作有時者此有燥屎故使不大便也

胃氣鬱遏無下泄之竅故繞臍作痛

大承氣證二十

陽明三十九

大下後六七日不大便煩不解腹滿痛者此有燥屎也所以然者本有宿食故也宜大承氣湯

本有宿食未消被胃火煉成燥屎阻碍腸胃之竅胃氣以下行為順下竅不通胃氣壅遏不得降泄逆為上行故生煩躁而腹滿痛也

大承氣證二十一

陽明四十

陽明少陽合病必下利其脈不負者順也負者失也互相剋賊名為負也滑脈而數者有宿食也當下之宜大承氣湯

二陽明少陽合病膽經鬱迫胃氣壅遏失其受盛之職故必下利甲木為賊土氣未敗則木不負不負為順負則木賊土敗是之為失負者互相剋賊之名宿食阻碍經氣浮蕩故脈滑而數胃主受盛脾主消化水穀入胃以脾土之濕濟胃上之燥燥濕互濟陰陽交蒸是以消爛腐化中無宿物陽明病胃強脾弱燥奪

其濕未及腐化已成結硬是宿食者雖太陰之咎而實陽明之過也

三陽合病證二十二 陽明四十一

三陽合病脉浮大上關上但欲眠睡目合則汗

太陽傳陽明少陽陽明府病而太少之經邪未解是為三陽合病太陽之脉浮陽明之脉大膽氣候於左關胃氣候於右關膽胃不降二氣逆行故脉上關上膽熱則甲木尅土土氣困乏故欲眠睡平人寐則陽氣內蟄三陽合病陽盛於外寐時陽氣不斂鬱蒸而開皮毛故目合則汗也

汗多亡津證二十三 陽明四十二

脉陽微而汗出少者為自和也汗出多者為太過陽脉實因發其汗多出者亦為太過為陽絕於裏亡津液大便因硬也

脉陽微寸為陽而汗出少是陽不亢而津液未耗故為自和陽脉實而汗出多是陽既亢而津液又泄故為

太過陽絕於裏者極盛而無其匹也

胃熱陽絕證二十四 陽明四十三

脉浮而芤浮為陽芤為陰浮芤相搏胃氣生熱其陽則絕

浮者陽盛而不藏也芤者陰虛而內空也外實中空謂之芤浮芤相合陽亡陰枯是以胃氣生熱其陽獨絕而無

倫也

大承氣證二十五 陽明四十四

發汗不解腹滿痛者急下之宜大承氣湯

發汗不解是非表證乃胃陽之實也汗之愈亡其陰燥屎阻其胃火傷及太陰故腹滿而痛陽亢陰亡則

成死證故當急下之 此下二章與少陰急下二章彼此互文是陽明之陽亢而傷陰者陽未盛而下早則亡其陽陽已亢而下遲則亡其陰故有緩攻之法又有急下之條 此與少陰六七日腹脹不大便章義同

大承氣證二十六 陽明四十五

陽明病發熱汗多者急下之宜大承氣湯

腎主五液入心爲汗發熱汗多木枯土燥傷及少陰故當急下此與少陰口燥咽乾章義同

大承氣證二十七 陽明四十六

傷寒六七日目中不了了睛不和無表裏證大便難身微熱者此爲實也急下之宜大承氣湯

肝竅於目目中不能了睛不和是胃火傷及厥陰血亡木枯目系乾硬是以睛直無表裏證表無寒熱裏無滿痛也身熱雖微而府熱則劇故當急下 此與少陰自利清水色純青章義同 陽明之病胃家實也篇中脈實者下之以表虛裏實故也此爲內實也此爲實也皆發明胃實之義

陽明瘀血抵當證一 陽明四十七

陽明病其人喜忘者必有畜血所以然者必有久瘀血故令喜忘尿雖硬大便反易其色必黑宜抵當湯下之 方在太陽四十五

魂知來魄藏往以肺主魄而生水腎水蟄藏陽神下祕故往事藏畜而不忘燥熱傷血瘀結不流阻格陽神下蟄之路陽泄神飛水精失藏是以喜忘此必有瘀血在下傷其冬藏之氣熱在血室不及大腸是以

便易 血海熱結不歸於下故不及腸 黑者水氣之鬱腎水下鬱故糞見黑色宜抵當湯下其畜血也

抵當證二 陽明四十八

病人無表裏證發熱七八日雖脈浮數者可下之假令已下脈數不解合熱則消穀善饑至六七日不大便者有瘀血也宜抵當湯

方在大陽四十五

若脈不解而下利不止必協熱而便膿血也

病人無表證之惡寒無裏證之滿痛乃發熱至七八日之久是必有裏熱雖脈見浮數者亦可下之蓋浮數雖是表脈而外無表證則不得作表脈論也假令已下而脈數不解表裏合熱消穀善饑至六七日不大便者此非胃熱必有瘀血也緣脈數係有裏熱下之而脈數不解裏熱不清是裏熱不在中焦氣分而在下焦血分宜抵當湯下其瘀血若服抵當脈數猶然不解而加以下利不止此血分傷深必將協合外熱而便膿血也

熱入血室證二

陽明四十九

陽明病下血讖語者此為熱入血室但頭汗出者刺期門隨其實而泄之澱然汗出則愈

心藏神而神之魂藏於血血熱則心神昏亂而作讖語但頭汗出者陽盛於上而表不能閉也身上無汗則熱鬱血分不得外泄宜刺期門以泄血熱隨其實處而泄之令其澱然汗出則愈也期門肝脈之穴在於乳上肝藏血故刺厥陰之期門

此婦人病金匱入婦人雜病中

陽明解期

陽明五十

陽明病欲解時從申至戌上

申酉戌陽明得令之時故解於此